

無求齋莊子集成續編
(二)

嚴靈峯編輯

藝文印書館印行

南華真經循本

羅勉道撰

蘇子瞻
知覺
PDG

南華
藝文印書館據明正統間
刊道藏本影印



莊子

聽七

莊子宋人也名周字子休生睢陽蒙縣嘗
爲蒙漆園吏學無所不窺要本歸於老子
之言故其著書十餘萬言大抵率寓言也
其言洗洋自恣以適已故自王公大人不
能器之楚威王聞周賢使使厚幣迎之許
以爲相周笑謂使者千金重利卿相尊位
也子獨不見郊祭之犧牛乎養食之數歲
水以文繡以入太廟當是之時欲爲孤豚
其可得乎子亟去無汙我我寧遊戲汙瀆

之中自快無爲有國者所羈終身不仕以
快吾志焉唐封南華真人書爲南華真經

唐七

南華真經循本釋題

莊子爲書雖快悅譎怪佚宕於六經外譬
猶天地日月固有常經常運而風雲開闔
神鬼變幻要自不可闕古今文士每每竒
之顧其句法字面自是周末時語有非後
世所能悉曉然尚有可徵者如正獲之問
於監市履稀乃大射有司正司獲見儀禮
解之以牛之白頰者與豚之亢鼻者與人
有痔病者不可以適河乃古天子春有解
祠見漢郊祀志唐子乃掌堂涂之子猶周

釋題第一

王族之適子稱門子義臺乃儀臺鄭司農云故書儀但爲義其脰有肩乃見考工記梓人爲磬虛數目顧脰有即顧字如此類不一而士無古學不足以知之諸家解者或敷演清談或牽聯禪語或強附儒家正理多非本文指義漫曰此文字奇處妙絕又惡識所謂奇妙寥寥千八百載間作者之意鬱而未伸剽竊之用轉而多誤豈非羣書中一欠事勉道幸以蚤遂退閒託志清虛因得時以鄙見梳剔一二爰筆其說

南華真經循本

不覺成帙自謂庶幾循其本指題曰莊子
循本云

二第題釋

解本去

蘇子瞻

南華真經循本卷之一

廬陵竹峰羅勉道述

門人彭祥點校

內篇

逍遙遊

逍遙遊神遊寥廓無所拘礙是謂道

故首以此名篇內外雜篇猶前後續
集兩初無異義按漢藝文志莊子五
十二篇郭象固已辨其巧雜十分有
三今所存三十三篇東坡蘇氏又點
讓王盜跖說劍漁父而以列禦寇接
寓言之末合為一篇其說精矣然愚
尚謂刻意繕性亦復膚淺非真宜定
為二十六篇內篇皆先立篇名而篇
中意不出此外篇與雜篇惟摘篇首
字以名之蓋內篇命意已足外篇雜

篇不過數
演其說爾

北冥有魚其名爲鯢鯢之大不知其幾千里也化而爲鳥其名爲鵬鵬之背不知其幾千里也怒而飛其翼若垂天之雲是鳥也海運則將徙於南冥南冥者天池也

曉七

三

北冥南冥非泛言北海南海乃海之南北極處以其廣遠杳冥故曰冥鯢爾雅云凡魚之子總名鯢故內則卵醬讀作鯢魯語亦曰魚禁鯢鮪皆以鯢爲魚子莊子乃以至小爲至大此便是滑稽之開端鵬不載

經傳島夷雜誌云崑崙層期國常有大鵬
飛則遮日能食駱駝有人拾得鵬翅截其
管作水桶鯤言大不知幾千里鵬言背不
知幾千里質之大者化益大也怒而飛鼓
怒作勢方能起也海運則將徙於南冥者
運動也颶將起則海氣動故徙以避之魯
語曰爰居止於魯東門之外三日展禽曰
今茲海其有災乎夫廣川之鳥獸皆知避
其災是歲海多大風冬煖是其事也天池
者海水際天處猶日浴咸池之池池爲魚

鳥所泊之所鵬所泊在此池也曰南冥者
天池又曰窮髮之北有冥海者天池蓋爲
冥海二字猶未盡極遠之義又申之曰天
池則方見是海水際天處以見鵬飛從海
之極北過海之極南如此其遠也○篇首
言鯤化而爲鵬則能高飛遠徙引喻下文
人化而爲聖爲神爲至則能逍遙遊初出
一化字乍讀未覺其有意細看始知此字
不閒

齊諧者志怪者也諧之言曰鵬之徙於南冥

也水擊三千里搏扶搖而上者九萬里去以六月息者也

齊諧者齊人諧謔之書孟子曰齊東野人之語則齊俗宜有此諧之言曰者諧謔之書所言也莊子自多怪誕却謂齊諧爲志

卷七

怪亦是滑稽處擊打也鵬氣勢飛上波浪打起其高三千里也搏隨風圓轉也扶搖旋風也風勢相扶搖擺而上所謂東海扶搖之枝亦取此義九萬里者言北冥至天之里數若中土至天頂則又不止此數按

考靈耀云周天三百六十五度四分度之一每度二千九百三十二里千四百六十一分里之三百四十八圓周一百七萬七千里以圓三徑一言之直徑三十五萬七千里此爲二十八宿周圍直徑之數又二十八宿之外上下東西各有萬五千里是爲四游之極謂之四表據四表之內并星宿內總有三十八萬七千里之徑天中央正半之處則一十九萬三千五百里地在於中厚三萬里春分之時地正當中自此

漸漸而下至夏至之時地下萬五千里地
之上畔與天中平夏至之後地漸漸向上
至秋分地正當天之中央自此地漸漸而
上至冬至上游萬五千里地之下畔與天
中平自冬至後地漸漸而下地常升降於

地七

五

三萬里之中四遊之說元出周髀文渾儀
家未有未知然否但其以天度紐筭里數
似爲可據又鄭玄註周禮以句股求表景
得八萬一千三百九十四里三十步五尺
三寸六分爲天徑之半者乃日下距地之

里數耳去以六月息者鵬起北冥而徙南
冥經行半周天之里數故止消半年而息
以見鵬飛亦合天度也○上只言鵬徙之
遠此又證其飛之高先安頓九萬里一句
在此後面却從而解說

野馬也塵埃也生物之以息相吹也天之蒼
蒼其正色邪其遠而無所至極邪其視下也
亦若是則已矣

息氣也野馬塵埃喻游氣也橫渠張子曰
氣块然太虛升降飛揚未嘗止息易所謂